

**776.61**

**Vischnaunca da Trun**

# **Reglament da taxas tier la lescha da baghegiar**

**2017**

- Art. 1 Principi  
2 Petent  
3 Cuosts supplementars  
4 Protestas  
5 Adattaziun da taxas  
6 <sup>1</sup>Taxas  
a) Lubentschas da baghegiar  
b) Taxa supplementara  
c) Retratga d'ina lubentscha  
d) Decisiuns preliminaras  
e) Prolungaziuns  
f) Annunzias da baghegiar  
g) Midadas da project  
h) Lavurs supplementaras  
i) Dretgs da baghegiar pli datier  
<sup>2</sup>Basa da calculaziun  
7 Lubentschas excepziunalas  
8 Terren public  
9 Pareris, expertisas  
10 Scadenza  
11 Tscheins da retard  
12 Vigur

Sebasond sin art. 121 dalla lescha da baghegiar da Trun e sin art. 85 dalla lescha da baghegiar dall'antierura vischnaunca da Schlans relai la suprastonza communalia il suandont reglament da taxas:

**Art. 1**

Principi

<sup>1</sup>Quest reglament fixescha tuttas taxas che seresultan dallas proceduras da baghegiar.

<sup>2</sup>Tuttas funcziuns e lavurs dalla cumissiun da baghegiar e dalla suprastonza communalia ein suttamessas a taxas, aschilunsch ch'ellas ein stipuladas en quest reglament.

<sup>3</sup>Ei la taxa per ina funcziun, in survetsch, ina lubientscha ni ina decisiun buca menziunada, sa la vischnaunca incassar ina taxa tenor il temps impundiu.

**Art. 2**

Petent

La taxa paga quel che caschuna la laver respectivamein l'expensa.

**Art. 3**

Cuosts supplementars

Ultra dallas taxas fixadas sa la vischnaunca incassar ulteriurs cuosts ch'ina fatschenta caschuna.

**Art. 4**

Protestas

Ils cuosts che seresultan dalla tractaziun da protestas vegnan adossai al recurrent, sche la protesta vegn refusada ni schiei vegn buca entrau sin il cass.

**Art. 5**

Adattaziun da taxas

Stattan las taxas fixadas en quest reglament buca en relaziun cun la laver impundida, sa l'instanza da baghegiar adattar ellas commensuradamein.

## Art. 6

<sup>1</sup>Per la tractaziun d'ina damonda da baghegiar e las controllas sco era per ulteriuras prestaziuns dall'instanza da baghegiar vegn incassau las suandontas taxas:

- |  |                                |
|--|--------------------------------|
| a) Per summas d'investizjun entochen e cun frs. 1'000'000.-- munta la taxa a 2.0 %, minimalmein frs. 150.--.   | Lubentschas da baghegiar       |
| b) Per la summa d'investizjun che survarga frs. 1'000'000.-- munta la taxa 1.5 %.  | Taxa supplementara             |
| c) Per damondas da baghegiar tractadas che veggan retratgas e buca exequidas: per regla 50% dalla taxa dalla lubentscha, denton minimalmein frs. 150.--.   | Retratga d'ina lubentscha      |
| d) Per decisiuns preliminaras tenor temps impundiu, denton minimalmein frs. 50.--.   | Decisiuns preliminaras         |
| e) Prolungaziuns dalla lubentscha da baghegiar minimalmein frs. 100.-- tochen 10 % dalla taxa dalla lubentscha da baghegiar.   | Prolungaziuns                  |
| f) Annunzias da baghegiar tenor art. 40 dall'ordinaziun davart la planisaziun dil territori per il cantun Grischun (KVRO) minimalmein frs. 30.--.  | Annunzias da baghegiar         |
| g) Lubentschas supplementaras per midadas da project tenor temps impundiu, denton minimalmein frs. 50.--.  | Midadas da project             |
| h) Lavurs supplementaras ed uatgas che seresultan pervia da munconza da plans ni tralaschadas enviers lubentschas e prescripziuns, sco era controllas supplementaras dalla cumissiun da baghegiar pervia da munconzas, veggan quintadas tenor il temps impundiu, mininalmein denton frs. 30.--.  | Lavurs supplementaras          |
| i) Tier dretgs da baghegiar pli datier a parcellas da vischnaunca vegn quintau ina taxa per la plivalur che la parcella dalla partida favorisada retscheiva entras quei dretg. Sesanfla la parcella da vischnaunca en zona da baghegiar munta la taxa à frs. 110.-/m <sup>2</sup> , per baghegiar pli datier a parcellas en tut las otras zonas munta la taxa à frs. 70.-/m <sup>2</sup> . | Dretgs da baghegiar pli datier |

<sup>2</sup>Las taxas veggan fixadas sin fundament dalla summa d'investizjun previda, indicada ella damonda da baghegiar. En cass d'in alzament da varga 10% da quella summa, vegn la taxa modificada conform alla valeta nova tenor schazetg ufficial.

Basa da calculaziun

**Art. 7**

Lubentschas  
excepziunalas

Per la concessiun da lubentschas excepziunalas entrais la suprastonza communal vegn incassau ina contribuziun supplementara en relaziun dalla valeta che seresulta dalla lubentscha, denton minimalmein frs. 100.-

**Art. 8**

Terren public

Per far diever da terren public, en special per tschenttar tschaghegnas, per descargar e deponer materials da bagheggiar etc., vegn quintau ina taxa sereferend sin art. 1 al. 3 da quest reglament.

**Art. 9**

Pareris, expertisas

Ils cuosts per pareris, expertisas, lavurs da mesiraziun ed eventuais cuosts dil register funsil etc. vegnan adossai al petent.

**Art. 10**

Scadenza

Las taxas per la lubentscha da bagheggiar sco era eventuais auters cuosts en connex cun la lubentscha da bagheggiar ein da pagar enteifer 30 dis suenter la retschavida dil quen.

**Art. 11**

Tscheins da retard

Per pagaments da taxas retardai vegn incassau in tscheins da retard ell'altezia dil tscheins da retard cantunal suenter la scadenza dil quen.

**Art. 12**

Vigur

<sup>1</sup>Quest reglament ei vegnius approbaus entrais il cussegli da vischnaunca ils 21-08-2017 e passa en vigur cun ils 01-09-2017.

<sup>2</sup>Cun la vigur da quest reglament vegn il regulativ da taxas per la lubentscha da bagheggiar e pil diever da terren e da spazi d'aria public dils 21 da fevrer 1979 cassaus.



Il president communal  
Dumeni Tomaschett

  
La canzlista  
Sandra Gautschi